

Virtuelni svijet zemljišnih knjiga u Sarajevu

“Teretni listovi” ipak zaštićeni

Popisni i vlasnički listovi koji su dostupni na internetu ipak ne mogu biti korišteni kao službeni dokumenti po koje se ipak treba otići u Sud

Svi vlasnici nekretnina na području Kantona Sarajevo, od sada putem web stranice Općinskog suda, mogu izvršiti uvid u svoj zemljišnoknjižni izvadak, odnosno u popisni list A i vlasnički list B.

U Općinskom sudu Sarajevo naglašavaju da listovi A i B imaju isključivo informativnu i korektivnu namjenu, pa se ne mogu koristiti kao službeni dokument. Za zvanične zemljišnoknjižne izvratke i dalje je potrebno obratiti se nadležnom zemljišnoknjižnom uredu.

U elektronsku zemljišnu knjigu unesene su sve katastarske općine i mahale iz zemljišnih knjiga Općinskog suda u Sarajevu, ukupno 205.009 uložaka. Baza sadržava podatke iz katastarskih općina u kojima je izvršen prijenos podataka iz evidencije katastra nekretnina, podatke koji su do sada ručno uneseni iz zemlji-



Modernizacija uprave i na www.oss.ba

šnih knjiga i podatke prenesene iz elektronske baze Knjige položenih ugovora. Istovremeno, u bazi nema podataka koji su zaštićeni Zakonom o zaštiti osobnih podataka, kao ni C listova zemljišne knjige, odnosno “teretnih listova”.

Da bi se pogledao zemljišnoknjižni izvadak, potrebno je na web stranici Suda www.oss.ba kliknuti na “Zemljišna administracija u BiH”. Tako se otvara program “laris light”, ukuca se

broj parcele i na ekranu se prikaže izvadak iz knjige položenih ugovora. Izborom katastarske opštine smanjuje se broj rezultata pretrage.

“San” je jučer to provjerio i uvjerio se da stvar funkcioniše. U Općinskom sudu, međutim, napominju da je za korištenje ovog servisa potrebno koristiti internet eksplorer 6 ili više, te akrobat rider verzija 6 ili više.

V. T.